

Opšti uslovi poslovanja za myWorld članove

Verzija: januar 2021

Preambula

- A.** myWorld International Limited sa sjedištem u Ujedinjenom Kraljevstvu, 9rd Floor, suite 9.10, City Tower, 40 Basinghall Street, London EC2V 5DE, upravlja Benefit Programom širom svijeta, koji omogućava kupcima koji učestvuju (u daljnjem tekstu „**Članovi**“) kupovinu robe, usluga i putovanja, itd. (u daljnjem tekstu „**kupovine**“) putem myWorld online platforme, kod online partnerskih firmi kao i lokalnih partnerskih firmi (u daljnjem tekstu zajednički nazvane „**myWorld i Partnerske firme**“) da ostvaruju pogodnosti (u daljnjem tekstu „**Benefits**“) (u daljnjem tekstu pod nazivom „**Benefit Program**“). Društvo myWorld International Limited za provođenje i upravljanje *Benefit Programom* u određenoj zemlji koristi usluge društva kćeri ili kooperacijskih partnera u dotičnoj zemlji.
- B.** U Bosni i Hercegovini *članovi* su registrovani kod myWorld Sarajevo d.o.o. sa sjedištem u Maršala Tita 28 Sarajevo, Bosna i Hercegovina zavedeno u registru poslovnih subjekata pod brojem MBS: 6501053212 (u daljnjem tekstu „**myWorld**“) što im omogućava kupovinu proizvoda, usluga, putovanja itd. kod *myWorld i Partnerskih firmi* i na taj način ostvaruju *Benefits* kao dio *Benefit Programa*.
- C.** Na kraju Opštih uslova poslovanja u **Dodatku 1** nalazi se popis korištenih pojmova radi lakšeg razumijevanja. Pravno mjerodavni su pojmovi navedeni u ovim Općim uslovima poslovanja.

1. Predmet ugovora

Članovi u skladu sa Opštim uslovima poslovanja imaju pravo učestvovati u *Benefit Programu* i ostvarivati pripadajuće *Benefits*. *Članovi* mogu kupovati kod *myWorld-a* i *Partnerskih firmi*. Registracija i učestvovanje u *Benefit Program-u* za *Člana* je potpuno besplatno.

2. Ugovorna osnova

- 2.1** Registracijom se postaje *član* u *myWorld-u* i dobiva lični neprenosivi identifikacijski broj (u nastavku teksta „**ID broj člana**“), koji omogućava učestvovanje u *Benefit Programu*.
- 2.2** *Član* izjavljuje da su podaci koje je dostavio *myWorld-u* tačni i da će u slučaju davanja netačnih podataka nadoknaditi *myWorld-u* bilo kakvu štetu prouzrokovanu time, ograditi *myWorld* od krivnje za slučaj kažnjivih izjava te se *myWorld* ni na koji način neće smatrati odgovornim za navedeno. *Član* se obavezuje pravovremeno informisati *myWorld* o eventualnim promjenama svojih ličnih podataka dostavljenih pri registraciji (naročito adrese stanovanja, e-mail adrese, bankovnih podataka, telefonskom broju itd.).
- 2.3** Svakoј fizičkoј ili pravnoj osobi dozvoljena je samo jedna registracija (tj. jedan *ID broj člana*). Registracija se provodi prema mjestu prebivališta, odnosno poslovnoj adresi (registrovanoј u sjedištu) *Člana*. Višestruke registracije izvršene s ciljem ostvarenja nedozvoljenih *Benefits* predstavljaju opravdan razlog za izvanredan raskid ugovora od strane *myWorld-a*, kao i osnovu za uskraćivanje *Benefits* ostvarenih na taj način. U slučaju višestruke registracije brišu se zadnji registrovani ID brojevi. *Benefits*, ostvarene na temelju višestruke registracije biće oduzete.

3. Benefit Program

- 3.1** Kupovinom u *myWorld-u* i Partnerskim firmama *Član* ostvaruje *Benefits* u skladu sa Opštim uslovima poslovanja. *Benefits* kao i njihovi preduslovi detaljno su opisani u odredbi tačke 5.
- 3.2** Kako bi *Članovi* mogli ostvariti *Benefits* za svoje *kupovine*, *myWorld* sklapa ugovore sa *Partnerskim firmama*. Podaci o aktuelnim *Partnerskim firmama* uključujući i *Benefits* dostupni su online na www.myworld.com.
- 3.3** *Članu* za evidentiranje njegovih kupovina stoje na raspolaganju sljedeće mogućnosti: *myWorld Card*, kao i *myWorld-App* ili *vlastiti profil* na *myWorld* web-stranici.
- 3.4** *Partnerska firma* prosljeđuje *myWorld-u* evidentirane podatke o kupovini ili naplati radi izračunavanja rezultirajućih *Benefits*.

4. Online Shopping

- 4.1** Kod online kupovine *Član* se može prijaviti sa svojim pristupnim podacima na www.myworld.com ili preko mobilne aplikacije *myWorld App* i kod *myWorld-a* ili *Partnerske firme* odabrati željenu online trgovinu i obaviti *kupovinu*. *Kupovine* kod online *Partnerskih firmi* mogu se evidentirati samo ako sistem *Člana* dozvoljava kolačiće tokom postupka kupovine te kada nisu uključeni Ad Blocker ili Script Blocker. *Članovi* mogu saznati više o *kupovini* kod online *Partnerskih firmi* na www.myworld.com u području FAQ.
- 4.2** *Članovi* imaju pravo u roku od 14 dana bez navođenja razloga odustati od sklopljenog online ugovora za online kupovinu ili van poslovnih prostora (rok za opoziv ugovora sklopljenih na daljinu). Isplata *Benefits* ostvarenih iz online kupovina u skladu s odredbom 5.3 podrazumijeva da je istekao rok za opoziv ugovora sklopljenog na daljinu i da *Član* nije zatražio opoziv.

- 4.3** Član ima pravo ostvarivati *Benefits* kod svih kupovina u onim online trgovinama *Partnerskih firmi* koje su izlistane na www.myworld.com za zemlju u kojoj se nalazi adresa stanovanja, dostava ili poslovna adresa Člana (u skladu sa registracijom).
- 4.4** *myWorld* nema utjecaja na izgled i dizajn online trgovine *Partnerske firme* na koji prosljeđuje Članove (putem linka) i za to ne preuzima odgovornost. Ukoliko web-stranice na koje se prosljeđuje imaju nezakonit sadržaj ili sadržaj neprimjeren moralnim standardima, *myWorld* se izričito ograđuje od takvih sadržaja.
- 5. Benefits**
- 5.1** Važeći *Benefits* su vidljivi na stranici s detaljima o *Partnerskoj firmi* na www.myworld.com. Članu se preporučuje, da redovno posjećuje *myWorld* web-stranicu kako bi se informisao o aktuelnim uslovima poslovanja *Partnerske firme*. *myWorld* ima pravo u bilo kojem trenutku promijeniti *Benefits* dodijeljene pojedinačnim *Partnerskim firmama*. Za obračun *Benefits* koje pripadaju članu primjenjuju se oni uslovi koji važe u trenutku kada je Član u cijelosti platio obavljenu kupovinu.
- 5.2** *myWorld* zadržava pravo odstupanja od gore definiranih pravila u okviru posebnih akcija. *myWorld* nastoji omogućiti Članovima brojne kupovne mogućnosti kod *Partnerskih firmi* te pritom dogovoriti što bolje popuste s *Partnerskim firmama* kako bi se Članovima omogućili raznovrsne *Benefits*. Ukoliko se s *Partnerskom firmom* dogovore različiti uslovi u obliku posebnih promocija (kao što to npr. može biti u slučaju netipičnih ugovora na određeno vrijeme kod mobilne telefonije ili kod putovanja), *myWorld* će to posebno istaknuti na stranici s detaljima o *Partnerskoj firmi* na www.myworld.com.
- 5.3** Preduslov za isplatu *Benefits* je u potpunosti plaćena kupovina Člana, bez pravne mogućnosti otkazivanja kupovine bez validnog obrazloženja, tj. posebno ako je istekao rok za opoziv ugovora o prodaji na daljinu. Ako su navedeni preduslovi ispunjeni, *Partnerska firma* će *myWorld-u* potvrditi kupovinu i *myWorld* će obračunati *Benefits*. *Benefits* iz obavljenih kupovina koje su obračunate od strane *Partnerske firme* prema *myWorld-u* do nedjelje 23.00h, doznačavaju se (*Benefits*) Članu. *myWorld* obvezuje *Partnerske firme* da izmire račune (fakture) najkasnije u roku od tri mjeseca od trenutka u kojem su ispunjeni zahtjevi prema ovom članu odredbe. Isplata *Benefits* Članu moguća je tek nakon što je *Partnerska firma* doznačit tražena sredstva *myWorld-u*.
- 5.4** Ukoliko Član obavi kupovinu kod *Partnerske firme* u inostranstvu (na licu mjesta ili online), može se dogoditi da će na računu za isplatu *Cashback* biti prikazan u dotičnoj stranoj valuti. Kada kupovina bude potvrđena od strane *Partnerske firme*, iznos će se automatski preračunati u profilu dotičnog Člana u valutu države Člana u skladu s kursnom listom Evropske centralne banke ili druge odgovarajuće banke, primjenjive na dan kada je *Partnerska firma* primila uplatu Člana. Odredba pod 4.3 ostaje nepromijenjena, tj. pravo Člana na *Benefits* postoji i dalje samo u odnosu na međunarodne kupovine putem kanala (npr. online *Partnerske firme*) koje su navedene na web-stranici *myWorld-a* i vidljive dotičnom Članu.
- 5.5** *Benefits* se zasnivaju na ugovorenim uslovima poslovanja između *myWorld-a* i pojedine *Partnerske firme* i stoga mogu varirati. *Benefits* se mogu sastojati od *Cashback-a*, *Shopping Points* ili drugih akcija.
- 5.5.1** *Cashback*: Za kupovine koje su evidentirane u *Benefit Programu*, Član može ostvariti *Cashback*, pri čemu je dotičan procent po proizvodu odnosno *Partnerskoj firmi* iskazan na www.myworld.com. Pojedinačne kupovine mogu biti isključene od dodjele *Cashback-a*. *Cashback* predstavlja popust na vlastitu kupovinu i odobrava se u obliku sredstava dodjeljenih za daljnje korištenje u okviru *myWorld* grupacije.
- 5.5.2** *Shopping Points*: Za kupovine koje su evidentirane u *Benefit Programu*, Član može ostvariti *Shopping Points* pri čemu je količina po proizvodu odnosno kupovini kod *Partnerske firme* prikazana na www.myworld.com i može se pratiti u vlastitom profilu Člana. Pojedinačne kupovine mogu biti isključene od dodjele *Shopping Points*. Količina ostvarenih *Shopping Points* zavisi od iznosa kupovine kao i o uslovima ugovorenim s dotičnom *Partnerskom firmom*. *myWorld* na stranici s detaljima o *Partnerskoj firmi* na www.myworld.com kao osnovu za obračun prikazuje broj *Shopping Points* koje dotična *Partnerska firma* dodjeljuje za potrošenih 200 BAM. Član može iskoristiti *Shopping Points* u *myWorld* *Benefit Lounge-u* samo u onoj količini koja je propisana za dotičnu kupovinu. *Shopping Points* nemaju fiksnu nominalnu vrijednost. *Shopping Points* se ne mogu isplatiti u gotovini ili prenijeti na druge osobe uz naknadu. *Shopping Points*, koji su sakupljeni od 1.1. do 30.06. mogu se iskoristiti do 31.12. iste godine, u suprotnom propadaju. *Shopping Points*, koji su sakupljeni od 01.07. do 31.12. mogu se iskoristiti do 30.06. naredne godine, u suprotnom propadaju.
- 6. Vlastiti profil**
- 6.1** *myWorld* će omogućiti svakom Članu besplatno korištenje vlastitog profila na www.myworld.com (login područje) gdje je nakon unošenja korisničkog imena i lozinke u bilo kom trenutku moguć uvid u obavljene kupovine i informacije o *Benefits* ostvarenim u okviru *Benefit Programa*. *myWorld* prihvata isključivo odgovornost za nedostupnost web-stranice *myWorld-a* i login područja na www.myworld.com u skladu sa odredbom tačke 10.
- 6.2** Član je dužan na siguran način pohraniti pristupne podatke za korištenje vlastitog profila (korisničko ime, lozinka i PIN) i držati ih strogo povjerljivima. Korisničko ime i lozinka ne smiju se ni pod kojim okolnostima učiniti dostupnima trećim osobama. Član može u bilo kojem trenutku promijeniti svoje lične postavke na www.myworld.com (login područje).
- 6.3** Član je dužan bez odlaganja obavijestiti *myWorld* o svakoj neovlaštenoj upotrebi njegovog online pristupa. Nakon trenutnog blokiranja pristupa, Članu će se naknadno dostaviti novi pristupni podatci putem SMS-a, e-mail-a ili pošte. *myWorld* prihvata isključivo odgovornost za štetu nanесenu Članu zbog neovlaštene upotrebe u skladu sa odredbom tačke 10.
- 7. Promjena odnosno dodjela Davaoca preporuke**

Članovi mogu u bilo kojem trenutku promijeniti postojećeg davaoca preporuke ili dodijeliti sebi davaoca preporuke tako da preko *myWorld*-a imenuju nekog drugog Člana kao davaoca preporuke koji je saglasan s time.

8. Zaštita podataka

8.1 *myWorld* kao odgovoran subjekt prema propisima o zaštiti ličnih podataka, prikuplja, pohranjuje i obrađuje lične podatke, podatke o kupovnim navikama i obavljenim kupovinama Članova u mjeri u kojoj je to potrebno za provedbu *Benefit Programa*, za obračun *Benefits*. Ako je Član dao svoju pisanu saglasnost, *myWorld* koristi podatke Člana za slanje personaliziranih informacija o ponudama i proizvodima *myWorld*-a i *Partnerskih firmi*.

8.2 Svi upiti Člana vezani za stanje, izmjenu ili brisanje ličnih podataka mogu se poslati direktno *myWorld-u* (*myWorld d.o.o. Sarajevo, Maršala Tita 28, 71000 Sarajevo, Bosna I Hercegovina*).

8.3 Daljnje odredbe vezane za zaštitu podatka pri korištenju web-stranice *myWorld*-a možete pronaći u Izjavi o zaštiti podataka na www.myworld.com.

8.4 *myWorld* koristi međunarodno priznate tehnologije za zaštitu podataka kako bi podatke Članova zaštitio od neovlaštenog pristupa. *myWorld* odgovara jedino za sigurnost podataka koji su preneseni putem interneta u skladu sa odredbom člana 10.

9. Poremećaji u usluzi

9.1 Obim usluga koje pruža *myWorld* ograničen je na aktivnosti *Benefit Programa* kako je opisano u ovim Opštim uslovima poslovanja.

9.2 Prava i obaveze koje se odnose na kupovine obavljene od strane Članova kod *Partnerske firme* primjenjuju se isključivo na *Partnerske firme*. Stoga *myWorld* nakon zaključivanja ugovora s *Partnerskom firmom* ne preuzima garanciju ili odgovornost za obaveze *Partnerske firme*, naročito za eventualno neispunjenje ili pogrešno ispunjenje obaveze od strane *Partnerske firme*.

10. Odgovornost

10.1 *myWorld* odgovara za štete nastale uslijed smrti, tjelesne ozljede ili oštećenja zdravlja, uzrokovanih namjernim kršenjem obaveza od strane *myWorld*-a. *myWorld* također odgovara za druge štete uzrokovane namjernim ili uslijed krajnje nepažnje nastalim kršenjem obaveza od strane *myWorld*-a.

10.2 Za štete nastale kršenjem obaveza uslijed krajnje nepažnje, u vezi odredbi ugovora koje su ključne za uredno i nesmetano provođenje Ugovora i koje Član, na osnovu istog, očekuje da će biti uredno ispunjene (glavne obaveze), *myWorld* ograničeno odgovara i to jedino za stvarnu i predvidivu štetu.

10.3 Druga potraživanja naknade štete su isključena, izuzevši tačku 10.5. Navedeno se primjenjuje posebno, ukoliko *myWorld* nije odgovoran za nastalu štetu, npr.

- (a) prekide u dostupnosti pristupa internetu Člana,
- (b) druge tehničke i elektronske greške (i) tokom razmjene podataka putem interneta kao i (ii) prilikom korištenja *myWorld*-ovog internet portala, *myWorld*-ovih SMS usluga te *myWorld*-ovih mobilnih aplikacija, pod uslovom da ove greške nisu u području odgovornosti *myWorld*-a,
- (c) tehničke i elektronske greške za koje *myWorld* nije odgovoran, a koje onemogućavaju evidentiranje kupovina obavljenih u okviru *Benefit Programa* (posebno bilo kakve greške u praćenju i gubitku podataka)
- (d) nedostupnost mobilne mreže ili terminala i
- (e) pogrešno funkcionisanje mobilnog uređaja Člana.

Ugovori o kupoprodaji pojedinih proizvoda ili ugovori o pružanju pojedinih usluga, putovanja, itd. proizvode dejstvo isključivo između Člana i *Partnerske firme*.

10.4 Ako je odgovornost za *myWorld* ograničena ili isključena, ograničenja ili isključenja vrijede također za ličnu odgovornost usposlenika, zakonskih zastupnika i pomoćnika *myWorld*-a pri ispunjenju obaveza.

10.5 Ograničenja i isključenja odgovornosti u skladu sa ovom tačkom ne odnose se odgovornosti *myWorld*-a u skladu sa prisilnim zakonskim propisima o odgovornosti za proizvode u slučaju namjernog prešućivanja nedostatka kao i preuzimanja garancije za stanje stvari.

11. Raskid ugovornog odnosa od strane Člana

11.1 Član ima pravo u bilo kojem trenutku raskinuti ugovorni odnos s *myWorld* u pisanoj obliku. Nadalje, Član u okviru postojećeg ugovornog odnosa nije obavezan obavljati *kupovine* ili provoditi ostale aktivnosti.

11.2 Nakon raskida ugovornog odnosa Član ima pravo samo na one *Benefits* u okviru *Benefit Programa* za koje je u trenutku raskida ugovora već nastala obaveza, tj. ako je *kupovina* za koju se treba isplatiti *Cashback* obavljena prije raskida ugovora. *Shopping Points* sakupljeni do

tog trenutka ne mogu se iskoristiti nakon raskida ugovornog odnosa. Jedino u slučaju kada *Član* raskine ugovorni odnos zbog opravdanog razloga, on može sakupljene *Shopping Points* iskoristiti unutar osam sedmica nakon raskida ugovora kako je opisano u članu 5.

12. Raskid ugovornog odnosa od strane *myWorld-a*

- 12.1** *myWorld* ima pravo raskinuti ugovorni odnos redovitim putem, tj. bez navođenja razloga, s otkaznim rokom od 30 dana ili zbog opravdanog razloga s trenutnim djelovanjem (bez otkaznog roka). Opravdanim razlozima se smatraju, pored nanošenja značajne štete ekonomskom interesu ili ugledu *myWorld-a* ili dotičnih *Partnerskih firmi*, posebno i povreda bitnih ugovornih obaveza. Bitne ugovorne obaveze uključuju obaveze *Člana* u skladu s odredbama tački 2.2, 2.3.
- 12.2** *Član* se obavezuje nadoknaditi *myWorld-u* svu štetu te ga osloboditi od bilo kakve odgovornosti u slučaju postupanja *Člana* suprotno gore navedenim odredbama koje ga obavezuju. Navedeno se također odnosi na troškove koji nastaju uslijed potraživanja od strane trećih lica. *myWorld* nadalje ima pravo zahtijevati od *Člana* naknadu navedene štete, koja je nastala *myWorld-u* uslijed kršenja obaveza od strane *Člana*, uključujući pravne troškove.
- 12.3** Nakon raskida ugovornog odnosa *Član* ima pravo samo na one *Benefits* u okviru *Benefit Programa* za koje je u trenutku raskida ugovora već nastala obaveza, tj. ako je kupovina za koju se treba isplatiti *Cashback* obavljena prije raskida ugovora.
- 12.4** Ukoliko *myWorld* raskida ugovorni odnos bez otkaznog roka, zbog opravdanog razloga, i pod uslovom da isti nije posljedica skrivljenog postupanja *Člana*, *Član* ima pravo iskoristiti svoje *Shopping Points* sakupljene do tog trenutka, u roku 8 sedmica nakon prestanka ugovora, u skladu sa odredbom člana 5. U protivnom sakupljeni *Shopping Points* se ne mogu iskoristiti nakon raskida ugovornog odnosa.

13. Opšte odredbe

- 13.1** *Član* je ovlašten isključivo na temelju *myWorld-ove* prethodne pisane saglasnosti prenijeti svoja potraživanja koja ima prema *myWorld-u* (ili koja nastanu na temelju učešća u *Benefit Programu*) ili navedeno koristiti kao sredstvo osiguranja.
- 13.2** Učestvovanje u *Benefit Programu* predstavlja međusobni odnos između *Člana* i *myWorld-a* kojim se ne zasniva odnos u okviru trgovačkog prava, a posebno se ne zasniva članstvo u društvu ili udruženju.
- 13.3** Pojedinačni individualni ugovori imaju prednost u odnosu na ove Opšte uslove poslovanja. Za sadržaj takvog tipa ugovora mjerodavan je pisani oblik ugovora i/ili pisana potvrda od strane *myWorld-a*. opšta je pretpostavka da usmeni dogovori ili pogodbe ne proizvode pravna dejstva. *myWorld* je ovlašten proslijediti *Članu* ugovorne odredbe i informacije potrebne za izvršavanje ugovornih obaveza i putem SMS-a ili e-mail-a, pod uslovom da je *Član* u tu svrhu dao odgovarajuće kontakt podatke bez prigovora na korištenje.
- 13.4** Smatrat će se da je *Član* prihvatio izmjene i dopune ovih Opštih uslova poslovanja, koji su *Članu* dostavljeni u pisanom i / ili drugom elektronskom obliku (fizički ili elektronski) ili drugim ugovornim sporazumima između *Člana* i *myWorld-a*, ako *Član* ne prigovori u roku od 30 dana od dana prijema obavijesti o promjeni. *myWorld* će posebno na početku datog roka upozoriti *Člana*, da se njegov pristanak s priloženim dopunama i promjenama Opštih uslova poslovanja smatra datim, ako *Član* pismeno ne proturječi valjanosti obavijesti u ostavljenom roku. Promjenu Opštih uslova poslovanja *Član* prihvata isključivo u slučaju da je ova obavijest zapravo i izdana.
- 13.5** Ako se u sadržaju ugovora koriste oznake u svezi spola, one se odnose na ženske i muške osobe, kao i na pravne osobe.
- 13.6** Ako su pojedine odredbe ugovora u potpunosti ili djelimično ništave ili neprovedive ili postanu ništave ili neprovedive, valjanost i provedivost ostalih odredbi ostaje nepromijenjena.
- 13.7** Na ugovorni odnos se primjenjuje bosansko-hercegovačko pravo. Isključena je primjena Konvencije Ujedinjenih naroda o ugovorima o međunarodnoj prodaji robe (CISG).
- 13.8** Registracija i učešće u *Benefit Programu* moguća je sa navršениh 14 godina života. Do punoljetnosti je potrebna pisana saglasnost roditelja (staratelja/zakonskog zastupnika).
- 13.9** *Član* se obavezuje sam snositi sva davanja, doprinose, naknade, poreze, itd. koja proizlaze iz stjecanja *Benefits*.

Dodatak 1
Pojasnienie pojmova

„**Članovi**“ su sva fizička ili pravna lica koja su sklopila ugovor s *myWorld-om* u svrhu učlanjenja u *myWorld* u skladu sa ovim Opštim uslovima poslovanja, sve dok važi ovaj ugovor, tj. dok se ne raskine od jedne ugovorne strane.

„**Kupovine**“ su kupovine proizvoda, usluga, putovanja itd. kod *myWorld-a* i *Partnerskih firmi*.

„**Partnerske firme**“ su firme koje su s *myWorld-om* sklopile ugovor i kod kojih *Članovi* mogu kupovinom proizvoda, usluga, putovanja itd. ostvariti *Benefits* u okviru *Benefit Programa*.

„**Benefits**“ su sve pogodnosti koje ostvaruje odnosno može ostvariti *Član* prilikom kupovina kod *Partnerske firme* u okviru *Benefit Programa*. Pogodnosti u tom smislu su *Cashback*, *Shopping Points* kao i ostale akcije.

„**Benefit Program**“ je program *myWorld-a*, koji *Članovima* omogućuje da kupovinom proizvoda, usluga, putovanja itd. kod *myWorld-a* i *Partnerske firme* ostvare *Benefits*.

„**myWorld Card**“ dostupna je kao plastična kartica ili virtuelna kartica (dostupna online). Ona nije sredstvo plaćanja, već služi samo za evidentiranje podataka o *kupovini*.

„**Članski ID broj**“ je jedinstveni broj dodijeljen od *myWorld-a* koji služi za identifikaciju *Člana* i evidentiranje *kupovina člana* kod *myWorld-a* i *Partnerskih firmi*.

„**Cashback**“ je *Benefit* detaljno opisan u odredbi tačke 5.

„**Shopping Points**“ je *Benefit* detaljno opisan u odredbi tačke 5.

„**Područje člana**“ ili „**Vlastiti profil**“ je područje prijave (login područje) *člana* na web-stranici *myWorld-a* (www.myworld.com) detaljno opisano u odredbi tačke 6.

„**Davalac preporuke**“ je *Član* (*Partnerska firma*, kooperacijski partner itd.) koji je preporučio nekog drugog *Člana* odnosno koji je u skladu sa uslovima iz odredbe tačke 7 zabilježen kao *davalac preporuke* kod *myWorld-a*.